

Xa  
3464

REVERENDISSIMI SERENISSIMI<sup>o</sup>. PRINCIPIS AC DOMINI,  
DOMINI

# MAURITII GUILIELMI,

POSTULATI ADMINISTRATORIS EPISCOPATUS  
NUMBURGENSIS, SAXONIÆ, JULIÆ, CLIVIÆ, MON-  
TIUM, ANGRIÆ WESTPHALIÆQUE DUCIS &c. &c.

PRINCIPIS AC DOMINI LONGE INDULGENTISSIMI,  
AC

REGIÆ CONIUGIS EIUS,  
SERENISSIMÆ PRINCIPIS AC DOMINÆ,  
DOMINÆ

# MARIAE AMALIÆ,

SERENISSIMORUM MARCHIONUM BRANDEN-  
BURGICORUM STIRPE ORTÆ, DUCIS SAXONIÆ, JUL.  
CLIV. MONT. ANGR. ET WESTPHAL. &c. &c.

PRINCIPIS AC DOMINÆ LONGE CLEMENTISSIMÆ

CELSISSIMO HÆREDI,  
SERENISSIMO PRINCIPI AC DOMINO,  
DOMINO

# FRIDERICO AUGUSTO,

Ducis SAXONIÆ, JUL. CLIV. MONT. ANGR. ET WESTPHAL. &c.  
DE

# ILLUSTRISSIMO NATALI

D. XII AUGUST. AB HORA II

LYCEUM EPISCOPALE

DEVOTISSIME GRATULABITUR,

AD QUAM PANEGYRIN

OMNIUM DIGNITATUM ET ORDINUM

PROCERES DOCTOSQUE VIROS


OFFICIOSISSIME ATQUE HUMANISSIME

INVITAT

M. Gottfried Gleitsmann/R.

Licentis HUCHONIS.





**N** Ovis nunc & iis publicis cumulamur gaudiis, quæ nos impellunt, ut factis acclamationibus bonisque verbis uramur, & nostras quoque gratulationes cum plausibus omnium & pro futura salute atque incolumitate Auctori rerum nuncupandis votis ac precibus religiosissime conjungamus. Quem enim REVERENDISSIMO SERENISSIMOQUE PRINCIPI NOSTRO AC DOMINO CLEMENTISSIMO, ejusq; CONJUGI IN REGALEM SUBLIMITATEM E-VECTÆ, PRINCIPI AC DOMINÆ NOSTRÆ INDULGENTISSIMÆ Numen beneficum anno retro elapso largitum est CELSISSIMUM HÆREDEM, eum cum SERENISSIMIS PARENTIBUS & SORORE CELSISSIMA ab omni detrimento & periculo non sine singulari DEI bonitate ita conservatum videmus, ut celebrari lux annua, quam ille principem habuit vitæ suæ, jucundissime possit. Itaque SERENISSIMO FRIDERICO AUGUSTO, JUVENTUTIS PRINCIPI, Lycei Episcopalis nomine humanissimi & doctrinarum apprime studiosi juvenes, JOHANNES CHRISTOPHORUS TITTELIUS, Cizensis, Collegæ suavissimi filius, & JOHANNES DAVID KNOECHERUS, Moschvizensis Mithicus, parentibus genitus piissimis, die castino hora II demississime gratulabuntur, Priusquam autem id aggrediantur; quantum in *filii Principum bene & feliciter educandis* ponendum sit industriæ breviter proponent. Eloqui enim vix ullus satis potest, quantum habeat momentum ad beatam subjeutorum omnium vitam, institutis & præceptis optimis ab ineunte ætate Principes erudiri, ut animi teneri præstantissimarum virtutum tanquam satus accipiant, illisque nihil neque ad honorem, neque ad veram solidamque gloriam acquirendam deesse videatur. Quod cum animo rationeque lustrarent homines inter gentes bene moratas prudentia præditi, omne studium



studium in eo imprimis esse collocandum censuerunt, ut Principum ætas puerilis bonis opinionibus & moribus imbuatur, quod non ignorarent, Principem bonum, reipublicæ utilem, patriæque suæ decus & columnam esse, neminem posse, qui non illis virtutibus, quarum fama benevolentiam conciliat, nomenque ab interitu vindicatum cum æternitate conjungit, elegantissime sit excultus. Hanc institutionem atque disciplinam clarissima inter Græcos Philosophiæ lumina ἀρχὴν πολιτείας ἀπαύτων τοῦτοῦ reipublicæ fundamentum vere sapienterque dixerunt: hac nihil divinius (ὁδὸν θεοῦ εἶναι) existimant esse, de quo possit quispiam verba facere: ex hoc perenni fonte manare, ut nec pueri mores habeant infantium, nec juvenes puerorum, nec juveniliter se viri gerant, nec delirent senes, idem eruditionis principes præclare docuerunt. Atque hos non pauci ex recentioribus in Germania, Gallia & aliis regnis atque provinciis secuti sunt viri doctrina, prudentia & autoritate præstantissimi, qui simul virtutes & mores, quibus instruendi a prima ætate sunt animi Principum, accurate dilucideque exposuerunt. Quos cum omnes singulari quadam & eximia laude celebrandos esse ducimus; tum eos præcipue, qui vera pietate Principum pectora volunt imbui, ut statim a puero & ipsis incunabilis intelligant & extimecant DEUM, eique se totos dedant & permittant. Quod quidem præceptum atque monitum eo magis necessarium hodie videtur esse, quo plures in multis aulis reperiuntur, quos suppetet pietatis sinceritatem pertineat, & existimationem ex parte lædat. Hæ nempe sunt istæ furæ ac pestes imperii, a quibus post honestum ac pulchrum, ipsum etiam fas piunque eliditur. Dignæ profecto, quæ, cum ab omni DEI metu plane sint remotæ, excludantur penitus Principum Christianorumque hominum omnium consortio, ne, qui integri & frugi sunt, in eandem impietatis Charybdim ac turbidorum animi motuum procellas incidant. Neque enim irreligiosis, (ut Tertulliani vocabulo utamur,) sed sanctimoniarum officinas oportet esse palatia, in quibus educantur, qui summæ olim rei admovendi & quodammodo in terris dii futuri sunt. Cavendum ergo & providendum maxime est, ne quid per oculos vel aures in tenellulos Principum animos penetret, quod impiam quandam & impuram imaginem in mollissima illa cera imprimat; quo illi justitia & innocentia vitæ suæ facere queant testatum, quantum in religione ac reverentia Numinis profecerint. Namque vere pius in Deum & religiosus Princeps appellari nequam potest, qui salutarem quidem amplexus fidem de rebus divinis & sentit recte & loquitur, æquitatem vero mul-  
tis

Xg 3307 A X3095647  
tis injuriis jactat atque agit, nec in ullo loco consistere il-  
lam & confirmari patitur. Fœcunda quædam mater est  
pietas: splendidissimus eam cæterarum virtutum, tanquam  
filiarum, sequitur cohors: nunquam illa non cum temper-  
rantia, modestia, justitia, liberalitate conjuncta est. I-  
taque illius in educandis liberis suis Reges ac Principes di-  
vino quodam lumine collustrati rationem esse inprimis ha-  
bendam judicarunt; ex qua institutione ii effloruerunt,  
heroës, quorum sanctitatem, eruditionem inclytam &  
nobilium facinorum gloriam summamque felicitatem ju-  
re & merito admiramur. Florebit etiam inter illos,  
divina adjuvante gratia, **CELISSIMUS** noster,  
**FRIDERICUS AUGUSTUS**,  
**PRINCEPS JUVENTUTIS, SUMMÆ**  
**SERENISSIMORUM PARENTUM**  
**DELICIÆ, TOTIUS PATRIÆ SOLATIUM**, ut, sicut  
**REVERENDISSIMUS PARENS** ævi sui **MIRACU-**  
**LUM** est in omni genere excellentiæ & **TANTO PRIN-**  
**CIPE** dignæ commendationis; ita **SERENISSIMUS**  
quoque **FILIUS**, cum ab **INCLYTISSIMIS PAREN-**  
**TIBUS** *ἡς ἀρετῆς ἐδάδα*, ut Gregorius Nazianzenus loquitur,  
*virtutis bona* atque decora didicerit, ob præstantissimæ vi-  
tæ merita ad cælum laudibus efferatur. Salve igitur,  
**PRINCEPS CELSISSIME, FRIDERICE**  
**AUGUSTE, DOMINE NOSTER LONGE**  
**BENIGNISSIME**, salve, inquam, ut salvus præsteris **TI-**  
**BI**, salvus **PARENTIBUS SERENISSIMIS**, salvus Sax-  
oniæ, salvus huic Episcopatu, salvus subjectis omnibus.  
Lætatur de incolumitate **TUA**, **O ORNAMENTUM**  
**ET PRÆSIDIUM NOSTRUM**, quam nunc a **DEO**  
habes: lætatur de excessa indole **TUA**, quæ jam in par-  
vulo fulgens **VIRUM PRINCIPEM** nobis pollicetur **PI-**  
**UM, SAPIENTEM, JUSTUM, FORTEM, PACIFI-**  
**CUM, ERUDITUM, SUBJECTORUM AMAN-**  
**TEM**. hoc est, **PATRI REVERENDISSIMO**  
**MAURITIO GUILIELMO**  
simillimum, **DEUS TE** conserveat, **DOMINE MULTO**  
**LENISSIME; DEUS educationem TIBI** fortunet, ut prosper-  
rimosea consequatur exitus; quo regiones omnes ac pro-  
vinciæ gaudio triumphent, & perpetua fruantur felicitate.  
Idem nobiscum quin hodie precentur boni omnes, & urim-  
petrent a **DEO**, conceptis votis affixisque pro **OPTIMO**  
**PRINCIPE** se obstringant, dubitamus nulli. Quare nec  
ambitiose, ut splendidior fiat panegyris, auditores esse con-  
vocandos putamus; cum, quid huic diei tam festo, tam solen-  
ni debeatur, suum quemque monere possit officium, **PP. Cizæ**  
**III IDUS Sextil. clō lcccl.**

102(0)20

1078



Ch. 17, 45

cat.

Xa  
3464

REVERENDISSIMI SERENISSIMI, PRINCIPIS AC DOMINI,  
DOMINI

# MAURITII GUILIELMI,

POSTULATI ADMINISTRATORIS EPISCOPATUS  
NUMBURGENSIS, SAXONIÆ, JULIÆ, CLIVIÆ, MON-  
TIUM, ANGLIÆ WESTPHALIÆQUE DUCIS &c. &c.  
PRINCIPIS AC DOMINI LONGE INDULGENTISSIMI,  
AC

REGIÆ CONIUGIS EIUS,

PRINCIPIS AC DOMINÆ,  
DOMINÆ

## RIAE

## ALIÆ,

MARCHIONUM BRANDEN-  
BURGICÆ, DUCIS SAXONIÆ, JULIÆ,  
WESTPHALIÆ, ET WESTPHALIÆ &c. &c.

LONGE CLEMENTISSIMÆ  
MATERI, ET  
PRINCIPI AC DOMINO,  
DOMINO

## ERICO

## GUSTO,

PRINCIPI AC DOMINO, DUCI  
WESTPHALIÆ, ET WESTPHALIÆ &c. &c.  
DE

## SSIMO NATALI

AUGUST. AB HORA II  
M EPISCOPALE  
V. V. QUAM GRATULABITUR,  
QUAM PANEGYRIN  
GENITATUM ET ORDINUM  
DOCTOSQUE VIROS  
E ATQUE HUMANISSIME  
INVITAT

Fried Gleitsmann/R.  
HUCHONIS,

